



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

1 Clemens Papa VIII. modum. & formam, etiam erectionum
confraternitatum, quare instituerit.

urn:nbn:de:hbz:466:1-10316

- 170 Federicus Secundus Imperator contra Sarracenos crucis vexillum suscipit.
- 171 D. Dominicus haresim apud Tolosam gesticentem coërcuit.
Idem, quod supra num. 169.
- 172 Ius idem statuitur, ubi eadem ratio viget.
- 173 Declaratio cap. excommunicamus, de heret.
- 174 Indulgentiæ non acquiruntur, nisi adimpleta integra conditione, sub qua conceduntur.
- 175 Indulgentiarum concessio non extendenda.
- 176 Idem, quod supra num. 173.
Quæ cruce signatorum verè gaudeant privilegio eis concessio ab Innocent. Papa, ibidem.
- 177 Habilitas certarum personarum non extenditur ad personæ inhabiles.
- 178 Confraternitates S. Crucis nomine erectæ, quoad absolutionum peccatorum, non ampliori gaudent prerogativa quam ceteræ.
- 179 Idem quod supra num. 166.
- 180 Decretum irritans, omnia in contrarium gesta annullat.
- 181 Idem, quod supra num. 166.
Idem quod supra nu. 166. ibidem.
- 182 Confraternitates novam aggregationis formam à Pontifice præscriptam impetrare debent.
- 183 Dicitio eo ipso, quid operetur.
- 184 Confratres non obtinentes novam aggregationis formam à Pontifice præscriptam, quibus poenis plectantur.
- 185 Poena remissio Papæ reservata, non potest ab inferiore remitti.
- 186 Verba, sublata aliter iudicandi facultate, in Apostolicis litteris quid efficiant.
- 187 Idem, quod supra num. 180.
- 188 Omnia, quæ continentur in constitutione Clement. VIII. debent observari, non obstantibus, &c.
- 189 Verba, illorum tenores, quid operentur.
- 190 Irregularitatem dispensandi facultas revocata.
- 191 Episcopus ab irregularitate ex delicto occulto proveniente potest dispensare.
- 192 Mariæ magnæ, & Bullæ aureæ facultas revocata.
- 193 Conjectura opus non est in re clara.
- 194 Dictiones, quibusvis, & cuiusvis, quid comprehendant.
- 195 Constitutio Clement. VIII. super reformatione indulgentiarum, & aggregationum.

POST competentis Ordinariorum fori tractatum ad confraternitates, quæ non rarò varias ob causas Episcoporum iudicio subijciuntur, opportunè descendimus, & etiam tractaturi, quæ c. de indul. de quibus in secunda parte egimus, poterunt esse corrolario.

1. Confraternitates ꝑ. secularium, disci-

plinariorum nuncupatæ, Ordinariis non parvi sunt oneris: cum earum causa sæpe lites, discordiæ, & controvertiæ exoriri soleant, ad quas amputandas plures fuerunt perpetuæ editæ constitutiones, & novissimè præsertim Clemens Papa VIII. sua perpetuò valitura constitutione statuit, atque decrevit, ut in posterum locorum omnium

- omnium totius Christiani orbis regularium ordinum, religionum, & institutorum, quibus confraternitates secularium erigendæ, & instituendi facultas concessa est, & Archiconfraternitatum, & congregationum quarumcunque, quibus alias confraternitates, & congregationes instituendi, erigendi, & sibi aggregandi, illisque privilegia, indulgentias, facultates, aliasque spirituales gratias, & indulta prædicta largiendi, & communicandi potestas à Romanis Pontificibus, & Apostolica Sede attributa fuit, magistri,
- 2 Piores & Officiales, seu Superiores † quovis modo nuncupati regularium siquidem Ordinum religionum, & institutorum unam tantum confraternitatem, & congregationem de consensu tamen Ordinarij loci, & cum litteris ejus testimonialibus, quibus confraternitatis, & congregationis erigendæ, & instituendæ pietas apud eos commendetur in eorum, & in quibuscunque aliis ecclesiis erigere, & instituere,
- 3 † cæterarum verò Archiconfraternitatum & congregationum dumtaxat, quæ Apostolica, vel Ordinaria auctoritate prius erecta, ac nulli alteri Ordini, religioni, & congregationi aggregata sit, † prævio similiter loci Ordinarij consensu, & cum ejus litteris testimonialibus, quibus aggregandæ confraternitatis, & congregationis pietas, & officia charitatis apud eos commendetur, sibi adjungere, & aggregare possunt, ut in litteris ejusdem Clem. VIII. sub die septimo Decembris anni. 1604. expeditis, & deinde de more in Vrbe publicatis, §. nos pro commissis: Quæ publicatio Romæ facta sufficit, & omnes afficit, ac, si in omnibus Christiani orbis Provinciis, & civitatibus facta fuisset, † Roma enim est om-
- nium orbis ecclesiarum parens, & caput Capel. Tolos. in decis. 445. n. 2. Gomel. in proem. Reg. Cancellar. num. 13. & Azor. lib. 5. institut. moral. cap. 3. vers. secunda opinio.
- Tunc enim fit, ut quæ pietatis, & devotionis zelo à Sede Apostolica concessa sunt, contrarium quandoque pariant effectum, cautius est gliscenti modo opportunè mederi, quàm permittere, ut paucorum incuria animarum multitudo pravus moribus inficiatur, aut in aliqua contracta labe sordescat.
- 6 Quia † privilegium, cum incipit esse nocivum, cessat vel saltem debet revocari, ut post Abb. in cons. 35. num. 3. par. 2. quem citat tenet Card. Tuse. pract. concl. tom. 6. conclus. 733. numer. 21. & abutens privilegio sibi concessio, perdit privilegium, l. iudæos, C. de iudæ, cap. privilegium, it. quæst. 3. ubi gloss. plenè not. l. qui sine de neg. gest. l. libera, ff. de pecul. Cardin. Tusc. eod. tom. conclus. 754. nu. 1.
- 7 Vicina etiam sunt ferè † vitia virtutibus, nec veritate, sed, quadam specie fallente, similia, D. Augustinus contra Iulian. lib. 4. cap. 3. nec vitium ullum præsentius venenum habet, quàm, quòd sub virtutis, vel pietatis titulo, venditur.
- 8 Hanc ob causam, † etiam successores prædecessorum instituta alioqui bona, & pietatem ipsam præ se ferentia, cum postea perniciofa, & contra piam optimamque Pontificum mentem exerceri conspexerint, statim, vel abrogare, vel immutare solent, & debent, c. 1. §. his ita respondetur, 35. qu. 1. §. quia sancta §. verum, quia in fin. & ibi gloss. in ver. destruantur, 63. distict. suggestum, & ibi Innoc. in fin. & Abb. num. 3. de decim.